


میرے سائیاں جیو

بھائی ویر سنگھ



میرے سائیاں جیو

بھائی وید سنگھ





میرے سائیاں جیو

مَجْمُوعَةُ رِوَايَاتِهِ

میرے سائیاں جیو

بھائی ویر سنگھ



بھائی ویر سنگھ ساہتیہ سدن - نئی دہلی

اس پُستک نوں بھارت دی ساہتیہ اکیڈمی نے
سال ۱۹۵۳ء دی شروعاتی سرچنا دا درجہ دیندیاں
پنج ہزار روپے دا انعام دتا سی۔

لیکھک: پدم بھوشن ڈاکٹر بھائی ویر سنگھ
۵-۱۲-۱۸۷۲ء — ۱۰-۶-۱۹۵۷ء

اردو اکھراں وچ پہلی وار ۱۰ جون، ۱۹۹۰ء
لیکھک دی ۳۳ ویں برسی دے موقعے تے

پبلشر: بھائی ویر سنگھ ساہتیہ سدن، بھائی ویر سنگھ مارگ - نئی دہلی ۱۱۰۰۰۱
پرنٹر: سُندر پرنٹرز، ۶۴۴ چوک باؤلی - پہاڑ گنج - نئی دہلی ۱۱۰۰۵۵

تتکرا

۳۰	اکل	۷	پیش لفظ
۳۱	تُر دی سنجھ سویر	۹	پرا رنجھ
۳۲	بہار	۱۱	جیو آئیاں توں!
۳۳	پھن	۱۱	وچھیا رہو
۳۴	جاگی جاں ایس زیندوں	۱۲	صدر قے تیری جادوگری دے
۳۵	میرا سندیش	۱۳	لگ گئی سی بالی عمرے
۳۶	سینت	۱۵	وڈ تلی دات
۳۷	پریت دا آگھاڑ	۱۷	وانس دی ٹوری
۳۸	میری مشکل	۱۸	رس، رسیا، رسال
۳۸	توہوں بوٹی اے لائی سی	۱۹	ہل دیلا او
۳۹	ہنس پھیری	۲۰	جاندا آپ ہاں اوہناں دے دوار
۴۱	کھتے ہو؟	۲۲	حضور
۴۱	ایسیاں راتاں	۲۳	سائیاں جی دی سیان
۴۲	دکھ اندوہ گئے سبھ بھل	۲۴	نچی گود وچ
۴۳	رک جائے کال چال	۲۵	ہلسو ہاں ہلسو ضرور
۴۴	ہنسن ہار دا پریم	۲۶	بولن دا نہیوں تان
۴۴	لڑ لگی	۲۷	سائیاں دا دیش
۴۵	اچک نین	۲۸	شاباش!
۴۵	دور کو ہوئے دوری؟	۲۹	اندر لے نین
۴۶	مشوہرا (دخزاں وچ)	۳۰	ٹولا

۶۴	اوجھل ڈاچی	۴۶	مشوہرے دی سیال - دھپ
۶۴	نہ چھپیا کر	۴۷	ہتھ کار ول ، رنا اچار ول
۶۵	ترط پھن	۵۲	تیرے چو جاں دی چال
۶۸	اصلیت	۵۳	چھڈی
۶۸	ارداس	۵۴	دل ڈاندر
۶۹	بمقن پتھر	۵۵	میرے چپے لگ رہے ہن
۷۰	بیر اکئی	۵۶	کیڑو پہاڑ
۷۱	بجھو اے کون؟	۵۷	ساتیاں دی ساری
۷۱	ان سنگت سنگیت	۵۷	جھاٹولا
۷۲	اچن چیتی دا جھلکا	۵۸	دل سدھر
۷۲	کوکن بیر	۵۹	پیاد طرباں
۷۴	نڈرتاؤں نڈر وچ	۵۹	چان اچکیاں
۷۵	سکھ سینت	۶۰	مڑ مڑ پھیرے پاندی آں
۷۶	دھارا دل ٹکے والی	۶۱	برہوں نیکھ
۷۷	پھیرا پا جان دی پر بھا	۶۲	تیرا آشیانہ
۸۳	نام پیالہ	۶۳	ٹر جاؤ نہ

JAMIA HIND

(HINDI UNIVERSITY)



UNIVERSITY OF HINDI
LAKHNAO

[Faint, illegible handwritten text, likely bleed-through from the reverse side of the page.]

پرارنبھ

میرے رگیت !
 میرے رگیت ، میرے سائیاں !
 تساں نئی گائے گئے رگیت ، کہتے چلے جاندے ہن ؟
 چپ چپاتے ٹر گئے ، ہائے کیوں ؟
 میری دل-دینا دا ٹھاٹھ چپ ہو گیا ، کیوں ؟
 مٹھی مٹھی تھراٹ، پیاری پیاری کہنی
 تاراں ، طراں دی ، کیوں کھلو گئی اے ؟
 ہن میں ، سائیاں میرے ! کی بھیٹا کراں آپ توں ؟
 ہن کس توں گھلاں جو تساں دے سنگیتک شرون-منڈل
 وچ جا کے اپنی ہال-چو جی نر نکادی کرے ؟

میرے رگیت -
 میرے سائیاں جی دے رگیت سوہلے !
 ہاں ،
 پرت آؤ ، پرت آؤ سوہنیو !
 کس دیو آ کے میری دل-ونیا دیاں تاراں طراں -
 کرو پھر نر نکادی کہتیاں آتے ،
 پھیڑ دیو سراں دل-کچھ
 تے نغے دل چیر ،
 ونھ دیو پھر تھراٹاں نال میرا من ،

اٹھن ترنگاں ساگروں آئی پون وانگوں،
 جھڑپے میرا چپ سکا، بولدی بلبلی وانگوں،
 ہاں، بال۔ گلے دیاں تھبکدیاں تھبکدیاں
 تاناں ریریاں پہنچ پین
 تسال۔ میرے سائیاں جیو۔ دی
 حضوری وچ۔

۱۔ اٹھن ترنگاں ساگروں آئی پون وانگوں،
 جھڑپے میرا چپ سکا، بولدی بلبلی وانگوں،
 ہاں، بال۔ گلے دیاں تھبکدیاں تھبکدیاں
 تاناں ریریاں پہنچ پین
 تسال۔ میرے سائیاں جیو۔ دی
 حضوری وچ۔
 ۲۔ اٹھن ترنگاں ساگروں آئی پون وانگوں،
 جھڑپے میرا چپ سکا، بولدی بلبلی وانگوں،
 ہاں، بال۔ گلے دیاں تھبکدیاں تھبکدیاں
 تاناں ریریاں پہنچ پین
 تسال۔ میرے سائیاں جیو۔ دی
 حضوری وچ۔
 ۳۔ اٹھن ترنگاں ساگروں آئی پون وانگوں،
 جھڑپے میرا چپ سکا، بولدی بلبلی وانگوں،
 ہاں، بال۔ گلے دیاں تھبکدیاں تھبکدیاں
 تاناں ریریاں پہنچ پین
 تسال۔ میرے سائیاں جیو۔ دی
 حضوری وچ۔
 ۴۔ اٹھن ترنگاں ساگروں آئی پون وانگوں،
 جھڑپے میرا چپ سکا، بولدی بلبلی وانگوں،
 ہاں، بال۔ گلے دیاں تھبکدیاں تھبکدیاں
 تاناں ریریاں پہنچ پین
 تسال۔ میرے سائیاں جیو۔ دی
 حضوری وچ۔
 ۵۔ اٹھن ترنگاں ساگروں آئی پون وانگوں،
 جھڑپے میرا چپ سکا، بولدی بلبلی وانگوں،
 ہاں، بال۔ گلے دیاں تھبکدیاں تھبکدیاں
 تاناں ریریاں پہنچ پین
 تسال۔ میرے سائیاں جیو۔ دی
 حضوری وچ۔

اک ادکار ست گور پر ساد

میرے سائیاں جیو!

جیو آئیاں توں!

لگے رہے ہو بدلاں اوہلے
دن کینیاں توں سوہنے سور!
سکدی وچ اڈیکاں، ترساں،
کوئیں ملے مڑ تیرا نور۔
آپے آج اُدے ہو آئے،
جی آئیاں توں، جم جم آؤ!
درشن تیرے چاؤ چڑھ رہا،
دھرت اکاش نور بھر پور۔

وچھیا رہو

وچھ جا دانگ دیلچے درتے
وچھیا رہو، من ! وچھیا رہو۔
زور نہ کوئی، ہتھ نہ رتی،
آپا بھٹا دھر کے بہو۔
دھرتی جویں وچھی دھر آشا
مہراں-میہنہ اڈیکاں وچ،
مہراں-میہنہ وساں والا
ترہٹسی آپے تیرا شہو۔

صدقے تیری جادوگری دے

میرے اندر، دُھراندر، دُھراندر دے
کسے اوہلے مکے پریم !

ہاں،
مُٹننے او اپنیاں سنگیتک ٹمباں نال،
جگا دینے او طرباں تاراں

اندر لے دیاں،
گاؤندیاں ہن اوہ گیت
— ٹساں جی دے، برہے، ٹساں جی دے ملن دے ترانے۔
جو کر دے ہن جادوگری میرے ہی آتے۔

میری میں پر پر تکر دی
رہ جانی اے کبھی تے تھرانندی۔

نہیند، ہاں کھس لجان دے ہو میری نہیند۔
جاگ، ہاں لرزدی ہے میری جاگ،
جویں لرزدی اے تیلے دی تار
سندری دے پلے نال پلمدی۔

آہ پریم !
دستن دے اوہلے مکے پریم !
کول کول پر دور دور،
دور دور پر کول کول،
صدقے تیری جادوگری دے۔

رشنا ! چپ !
 ہاں ، کمبیدی تھرکدی رشنا چپ۔
 سکھئے !
 ایتھے بولن دی نہیں جا۔

لگ گئی سی بالی عمرے

بالی ساں میں اجے اک بالی کھیلدی ،
 کھیلدی ساں گڈیاں پٹولے بالی میں۔
 سہیاں وچ پاندی ساں میں کھینواں دے تھال
 تے گاندی ساں میں رگیت اپنے دیراں دے نال۔
 بالی سی ودریں میری اجے انجان۔

شتی پئی گھوک ساں میں بچپنے دی نیند ،
 کول سی نہ کوئی میرے دائی ، مائی ، باپ۔
 پا رہا سی چاندنی اوہ چند عرش توں ،
 تارے شٹ رہے سن مٹھی مٹھی لو۔
 مٹھی مٹھی لو۔ میرے پھرے آتے لو۔
 آئے تیں چھو پلے تے ہور چھو پلے
 چم لیا مٹھا وچ چاندنی چمک ،
 دتیو نے چھاپ پائے پچھی انگلی ،
 پھیر کتاں ول جھکے ، اکھیوں نے کچھ۔
 شتی پئی میں خبرے وچوں جاگدی ،
 چلے گئے چھو پلے تے ہور چھو پلے۔

جاگی ، پھیر جاگی میں ساں بالی ، نیند زوں ،

لٹکاں ہو رہی ہوئی ، میں ہاں ہو رہی گئی ،
 ہاں ، اوپری ہو گئی ساں ، میں اپنے آپ نوں۔
 سوچاں پئی ، کئی ساں گواچی میں کتے ؟
 کہ آئی ہاں پرت میں گواچی کدھروں ؟
 سمجھے نہ پوے میرے بال بڑھ دے۔
 متھے جھرنٹ میرے چھڑے پل پلے
 — سوہنی جھرنٹ اوہ سی کبے لاوئی۔
 ’ہو گیا کی متھے میرے ؟‘ سرت نہ پوے۔

چچی پئی کبے بھڑکاوے دے نوں ،
 چھاپ مینوں پے گئی اے سپن وچ ہی۔
 تھکاں پھیر تھیوا ، وچ حرف چمکدے
 ”سائیاں میرے سائیاں“ اے لکھت اکڑی۔
 کناں وچ جھرن جھرن سد گونجی
 ”سائیاں میرے سائیاں“ دا گیت ہو رہا۔
 لگت گئی لں میں اجان بالی نوں
 ”سائیاں میرے سائیاں جی اد ، سائیاں میرے او !“

آئے ساؤ پھیر کسے سپن وچ آپ ،
 دے کے چمکا را اک گئے چمکدے ،
 ”میں ساں میں“ اکھدے سنگیت رنگ وچ ،
 چالے پئے ، چلے گئے ، ٹھہرے نہ رتی کوں۔
 جاگی تاں اوہ لں سیگی گئی ودھ ہو رہی
 ”سائیاں سائیاں“ اکھدی ”آجاؤ میرے کول“
 ”کول کول ، پاسو پاس ، آرے ، نال نال ،
 ”آجاؤ جی سائیاں ! ہاں آجاؤ ضرور۔
 ”اپنے ہوٹھیں چھیا آتکو بھڑکا

”مٹھا میرا کٹو، نال بچھی کبھی۔
 ”ہاں، پائی چھاپ آپدی سنے او کبھی؛
 ”منگدی اے جھوہ تیرے چرن کل دی،
 ”لوچدی دیدار تیرے فوری روپ دا۔“

وڈ مٹی دات

کسے دتیا:
 آئے نے تیرے راجن آج،
 گئے نے مندر۔
 مگرے کیتی یں دھائی۔
 اجے پوہتی ساں اڈے
 کرکئی پے گئی جھنکار
 گھنگرو جھنکار رتھ۔ گھوڑیاں دے گلے دی۔
 ٹک بندھ کے کھلی میں راہ دے آتے۔
 درشن ملن گے، ہون گے دیدار۔
 تکتے ہون گے سائیاں جی رتھ توں باہر
 نظراں سوئیاں دے نال۔ اک وار۔

رتھ آگیا سوچن دے نال،
 دس پٹے سوہنے دیدار:
 ”سائیاں جیو!“
 ہاں دس پٹے دیدار۔
 ”سائیاں جیو!“

پر لے گئے رتھ نوں آؤندے
ہوا نال گلاں کرن والے گھوڑے
پلو پئی وچکار۔

ہاں، پے گتیاں لیہاں سڑک دی دھوڑی وچکار۔
سو دھوڑی وچ لیہاں دے پاس
میں پتاں دے بھار

ہاں، پتاں دے بھار
بہہ کے

چائی دھوڑی سچے ہتھ نال
لائی مٹھتے تے، ہاں،
چڑھائی مٹھتے تے سوہنی روال۔
اکھاں: مناں! کر وچار
اہیہ بھی ہئی دات۔

بھر بھر آؤندے سن مین،
دھوڑی مٹھتے نوں چمڑے؟
کردی رسنا پکار:

اے دڈ ملوئیں دات۔

ہاں، ہئی کرامات
ملنی دھوڑی دی دات
نال درشن دی بھات؛
اے دڈ ملوئیں دات،
اے دڈ ملوئیں دات۔

وانس دی ٹوری

جدوں گاندی ہاں سائیاں ! تیں رگیت
تدوں وستی آں وچ حضوری،
غائب ہو جئے جدوں حضوری
تدوں آندی اے بندی نوں سوچھ :-
تسیں، ہاں تیں ساڈ گاویاں رگیت،
میں ساں وانس دی ٹوری، بے جان،
پھری ہوئی ساں پھیکاں دے نال۔
تیں بھر دے ہو گیتاں دے نال،
میں وانس دی ٹوری نوں آپ
پلکیں کر دے ہو آکے نہال۔

رس ، رسیا ، رسال

وین کارنوں وینا پئی آکھے :-
 تیرے رگیتاں نوں چاڑھاں میں رنگن ،
 وین کارنوں پرے چا رکھتی
 دیتی نال غلاف لپیٹ ،
 تندوں آگئی وینا نوں ہوش :-
 میں ساں لکڑی ، تندہی تے تار ،
 چند بہینی سی مینڈڑی دیہہ -
 ایہہ تاں سائیاں دا جادو امیٹ
 بھر دیندا سی نال سنگیت ،
 رگ و رعیشہ میرا تار تار ،
 تندوں بولدہی ساں پیار پیار ؛
 پھیر سائیاں سی گاندا میں نال ،
 موہت ہوندا سی سُن دا سنگیت ،
 ہاں ، گاندا وجاندا سی آپ ،
 پھیر تھوڑا سی آپے آپ ،
 رس لیندا سی آپ رسال -

واہ وا چوچ تیرے ، میرے سائیاں !
 تیرے رگیتاں دیاں تینوں ودھائیاں ،
 توںہوں رگیت رگیت تے سواد ،
 رس ، رسیا تے آپ رسال -

مل ویلا او

ندی کنارے کوک پکاراں،
 امل امل بانہہ آلا راں،
 'سائیاں'، 'سائیاں' ہکلاں ماراں،
 توں ساجن البیلا توں !

وتر کے آواں، زور نہ باہیں،
 شو کے ندی کانگ بھر آہی،
 وتر کے آواں، راہ نہ کافی،
 ساجن سکھا شوہیلا توں !

تلیہا میرا بہت پڑانا،
 گھس گھس ہویدا ادھورانا،
 چپے پاس نہ، کوئی موہانا،
 چڑھ کے پہنچ دھیلا او !

بدل دانی قہر ہوئی،
 اڈن کھٹولے والے بھائی،
 دھوم مچائی، دنی دہائی،
 'اے نہ اڈن ویلا او !

بے وریاں حد ٹپیاں سائیاں !
 تانگھ ملن دی دُون سوائیاں !
 کوک پکاراں، میرے سائیاں !
 آ آ پے کر میلہ توں !

توں سمرتھ شکتیاں والا،
 جو چاہیں کر سکیں سکھالا،
 پھر توں مہراں ترساں والا،
 'کر چھیتی' مل - ویلا او !

چاہے ہیں البیلا توں !
 پر ساجن سکھا سہیلا توں !
 آ آپے کر میلا توں !
 کر چھیتی 'میل' دیلا، او۔

جاندا آپ ہاں اوہناں دے دوار

میں بکریاں چار دی،
 دوپہراں دے سورج توں تھکی،
 چنار دی چھانڈیں پتھر شلاتے بیٹھی نوں
 میرے راجن ! تیرے سپاہی نے
 تیرا حکم سنایا :-

'رات، ہاں ادھی رات
 آ مجلس، کھڑکا دروازہ
 پاتشاہی محل دا۔

گھبراڑے پاسے دا دروازہ۔'
 لھو لے گا آپ آ راجہ
 اپنے کواڑ۔

ہاں مُلدیئے کھل دیئے !
 بھاگیا اے راجہ نوں،
 تیرا لیراں لپیٹا روپ۔

کھمدی تے اودر دی
 کدے امنا کر دی

کدے ہاسی سمجھدی،
 یس تڑ ہی پئی ادھی رات۔
 تڑ دی تے کھڑدی،
 کدے ٹھکدی، کدے پھر کدی،
 آپہونجی ہاں تیرے دوار
 راجہ جی! کھولو کواڑ!

میرے بھاگاں نے آندے نے میگھ
 آجرے نے وچ اکاش،
 چھا گیا نہیرا چھیر،
 آئی ٹھوکراں کھاندی یس ڈھیر
 مڑی آسا دا لٹ گھٹ گھٹ
 آپہونجی ہاں تیرے دوار،
 راجہ جی! کھولو کواڑ!

لہہ پیاں نی بونداں مہن، ہائے،
 جھل پئی اے پڑے دی پون،
 میرے راجہ!
 گڑھکدی اے بجلی اکاش
 نال گجھدی اے بدلاں دی لوج
 چنڈھیاندی اے اکھاں نوں رشک
 پردکھا جاندی اے بند کواڑ
 تیرے، راجہ جی! بند کواڑ
 کھول اپنے بند کواڑ!

کیتھے او بند کواڑ؟
 یس تاں مرگئی ساں تیرے دوار
 تیرے دیکھ کے بند کواڑ،

کھا کے پیہاں دی ہائے بچھاڑ۔

ایہہ تاں میری ہے اپنی چھن۔
سکلی ککھّاں دی کانیاں دی چھن،
وچ بیٹھے نے میرے مہاراج۔
راجہ جی راجہ مہاراج۔
کنج گئے ہو آمیری ککھّاں دی چھن؟
کنج گئی ہاں آ دیکھ بند کواڑ؟

لے کے جھوٹی دے یس وچکار
بکیتے راجے نے بل اگھاڑ۔
”جہڑے کر دے نے مینوں پیار
”اوہ جاندے نے میرے دوار
”کویں بل جئے اوہناں دیدار۔
”پر کردا میں جنہاں نوں پیار،
”جاند آپ ہاں اوہناں دے دوار،
”دوار اوہناں دا میرا دوار“

حضوری

سہیونی ! شہو آپ نہ آیا،
پر اُس نے بچ گھل حضوری
کر لیا حاضر سالوں آپ،
ملو ملو جورو جوری
کر لیا حاضر وچ حضوری۔

کولو کول تے نالو نال،
 دُوری سٹی دُور رَنکال،
 سائیاں جی داسیت کمال
 دُوری سٹی دُور رَنکال۔

سائیاں جی دی سیان

اے کون ہن جو آکھدے ہن :
 ”تیرے سائیاں جی سیان نہیں ہندے“ ؟
 میرے سائیاں !
 سیان لیندے ہن نیناں والے تینوں !
 تیری ڈھل ڈھل پے رہی سندر تا توں
 جو نظاریاں توں نظراں تے پئی پیندی اے۔
 سیان لیندے ہن کتاں والے تینوں !
 تیری سنگیتک شبہ گونج توں
 جو ہو رہی ہے سارے۔
 ہاں اچھل کدے بچدیاں
 سگندھیاں سیان دے دیندیاں ہن
 مغزاں والیاں نوں تیری، میرے سائیاں
 پھیر ترمیہاں توں وکھرے
 سیان لیندے ہن تینوں
 تیری جھرن جھرن لاڈن والی چھوہ توں۔

تیریاں جھرن جھرن پے رہیاں

امرت بوندان
 جو پیہیے وت
 کو کدیاں دے مونہہ آ پیندیاں ہن
 کسے سوانتی نچھترے ،
 دسریاں ہن تیری ہوند دا سواد
 روانی رسنا والیاں نوں
 پنجباں دے دسیاں توں دس۔ اچیاں نوں۔
 ہاں !
 لکھا دینے ہو تیس آپ :
 — دائی پھلاں سہرے کر دے — اُنہاں دے
 اپنے من منڈل دے پچھو اور کھلوتے —
 کدے اگے ودھدے ، پیچھے ہٹدے ،
 ملدے ، وکھ ہندے ، گھٹ گھٹ ملدے ،
 مل مل جاندے ،
 ندی — ساگر دے سنگم وانگوں۔

بنکی گود وچ

اج نور دے ترڑکے
 جدوں لے رہی سی 'سویر' انگڑائیاں
 پلوہ پھٹالے دی گود وچ ؛
 اک کھڑے گلاب دی کوئی گود وچ
 تیس کھیل رہے ساؤ میرے سائیاں !
 رنج ، ہاں رنج ! آگئے ساؤ
 اوس بنکی گود وچ ؛
 میرے ایڈے وڈے وشال سائیاں !

مِلْسُو ہاں مِلْسُو ضرور

”میں ملیا ساں“

ملے ساؤ، جی ملے ساؤ،
ہاں ملے سو ضرور،
مل کے ملن۔ تانگھ کر گئے۔ سو
ہاں کر گئے سو تر کھتی دوں سوائی۔

”مِلْساں“

ہاں کہہ گئے ساؤ ’مِلْساں‘
کنتیں گو بچدے ہن واک
دہ گنتاں ہو کے تیسز۔

”مِلدا ساں“

ہاں سپنیاں وِچ پاندے ہو پھیری،
جاگیا دوں سوا یا فراق
ہاں دوں سوا یا فراق۔

”مِلسو؟“

کہہ جو گئے سو ’مِلْساں‘
سو مِلسو ضرور۔

پر اے مہینے ساتے تے دن
گھڑیاں پلاں ہو لکھ ہزار
— وگدے پانی دی بہراں دے وانگ۔
لنگھ لنگھ گنتیاں ہن لکھ ہزار۔
کول کنارے اک بیٹھا اے بال
پیاگن دا اے لنگھدے ترنگ،
نہ ممکن دے، نہ ممکنی اے گنت

پلاں فراقِ ندی دیاں لکھ
 لنگھ لنگھ جانیدیاں نمکدیاں ناہیں۔
 مِلسو مکیاں تے سائیاں آکے
 کہ مِلسو وگدیاں دے وچکار؟
 واک ستِ توباڑے اقرار،
 مہراں ستِ تے ستِ ہن بول،
 پر میں بالی بے صبری ہاں بالی
 مینوں چھیتی تے کاپلی دی بان۔
 نہ کر سائیاں جیو! ہن دیر،
 مِلسو ہاں مِلسو ضرور۔
 ایس آسرے ایس آدھار
 لمی ہو رہی اے چند دی ڈور
 سائیاں جیو!
 مینڈی چند دی ڈور۔

بولن دا نہیوں تان

میری یاد، ہیں میری آویاد
 میٹ دیندی اے وٹھ، میں سائیاں!
 پر جد پانا ایں آن گلو کڑی،
 وچ جیھتی دے لینا ایں گھٹ،
 مونہہ بند، ہو جانیاں بٹ،
 دساں ہندا اے کون حوال؟
 اڑیا چپ وے سوہنیاں چپ

ایتھے بولن دی نہیں دے جا۔
 'سمجھن'، 'سوچن' تے 'بولن'؛ دی تاب
 نمک جاندی اے اپنے آپ۔

ہاں، وے اڈیا!
 جدوں لینا ایں جپھے پُج گھٹ،
 رہے بولن دا نہیں تان،
 رہندا بولن دا نہیں تان۔

سائیاں دا دیش

اوے کنگ و جاندیا جوگیا!
 پیا گاناں ایں برہوں دے رگیت،
 پیا پھرنی توں بادلیاں وانگ؟
 کی پچھا تیرا 'میں'۔ پیا، دے دیش؟
 جے پیا دا دیش سد دس سندیش،
 کوئی پیا دی سد سنا،
 دس کتنی اے دور

میرے سائیاں دا دیش؟
 جوگی۔ پچھا سائیاں دا دیش
 توں سن تیارے!
 پچھا سائیاں دا دیش؟
 میرے سائیاں دا دیش۔
 ٹریا دیکھن ساں دنیاں
 میں تاں کرتے نومں سیر،

بھل گیا ہاں راہ سدیش؄
 دُور پیارے دا دیش۔
 کوئی بھدا ہاں راہ نشان؄
 پھردا دیش؄ بدیش؄ پردیش؄
 پھردا شہر؄ گراں تے گلہیاں؄
 پھردا جنگل پیلے ہمیش۔
 کیتوں بھدا نہیں ہے راہ
 میرے سائیاں دا دیش؄
 تیرے سائیاں دا دیش
 نار۔ توں پھر کنگ وجا؄
 میں تدگانی آں رگیت؄
 دل کے برہوں دے رگیت۔
 کل پیا اکھدا سی اک سنت؄
 ”اُس دے کن سنگیت“
 ہاں؄ سائیاں دے کن سنگیت۔
 آہن گا ویئے رگیت؄
 اُس دی مہا دے رگیت؄
 اُس دے برہوں دے رگیت

شاباش !

نہ سر؄ نہ تار؄ نہ لے
 نہ گمک؄ نہ میٹھی آواز؄
 نال ساز دے ملنے دی جاچ
 نہیں آئی اے؄ سائیاں! ہن تیک

پھیر سگاو نے سندڑا شوئی
 نہیں مٹدا ، کی کراں اُپاؤ؟
 پھیر تینوں ستادون داشوئی
 ودھدا جاندا اے روز بروز۔
 کیوں؟ سائیاں جی میریو! آپ
 نہیں پاندے او جھڑک، نہ وٹ،
 سگوں سُن دے او لاکے دھیان،
 جھوم پیندے او اکھیاں، میٹ،
 کدے شاباش، دی دھی اواز
 پے جاندی اے مینڈڑے کت۔

اندر لے مین

اکھ۔
 انسان دی اکھ
 نہیں سکدی سی تساں نوں دیکھ
 میرے سائیاں!
 چھا رہا سی گھپ ہنیر
 اِس دے علم تے عقل تے۔
 سکے ہن بھی تساں نوں نہ دیکھ
 تکھے چاٹنے رہی چندھیائے۔
 ہاں، چاٹنے علماں دے تیز۔
 کر دیو اک نظر سوئی
 کھول دیو سو اندر لے مین،
 تینوں لین جو بیان

وِچ چانن ، ہنیر ، چنڈھیان ،
 تینوں ، میرے ساتیاں ! ساتیاں !
 ہر جا ، ہر رنگے ، ہر سُو
 کر دا کھیلاں تے رہندا اسنگ
 سوہنا سندرتا دا سردار۔

تولا

آج آگیاں دوارے - تیرے ہی ہاں دوارے
 بن کے قلندر ، شاہا !
 اک خیر پادے پادے
 اس در کھڑے توں ، شاہا !
 تولا بھی پاس میرے
 جس وِچ کہ خیر پئے سی ،
 اے پر ، نہیں نہیں ہے ؛
 ہا ہا ! نہیں نہیں ہے۔

اکل

سینو دے کَن داتا !
 کتاں ہزار والے !
 تیرے بنائے 'اکل' نے - گھبرا لیا ہے مینوں ،
 بھٹا ہاں درتے آیا - اس توں جھڈائے شاہا !

وچ اپنے بگٹانے ، وچ بھڑکے بھڑکے ،
 وچ جنگلاں کہ بیلے ، ندیاں سمند کنڈھے
 اہیہ چھڈ دی نہ کھڑا ، کھانڈی ہے کالجے نوں۔
 تیرے بناں نہ کوئی۔ اس توں چھڈا سکے ہے ،
 دیدار دے کے اپنا۔ اس توں چھڈا لے میوں۔
 سرمدہ کسے دا ۔ پیارے ہاں اپنے دا ،
 پاخیر در کھلے نوں ،
 تیرا ہی ہے ثنا خواں
 تیرا ہی ہے ثنا خواں۔

تَر دی سنجھ سویر

تر کھئی وگ رہی ہے پُون
 وگ رہی دن تے رات۔
 کردی جاندی سنگیت
 'سائیاں سائیاں' دی سد۔
 سائیاں سائیاں دا ناد
 مانو انہد ہے ناد۔
 لگ لگ برچھاں دے نال
 گلے مل مل کے پھیر۔
 ٹھہرے کدھرے رتی نہ ،
 تَر دی جاندی اے راہ ،
 تَر دی سنجھ سویر ،
 کرکسی اِس دی گتی نہ۔

بہار

”باغیں آگئی بہار“
 ”باغیں آگئی بہار“
 سنی بوٹیاں اواز
 کھڑپئے دیکھن بہار
 کھڑپئے دیکھن بہار۔
 اوتھوں بھر کے سنگدھی
 تریپی اگے بہار
 آئی ساڈے ہے دوار،
 آکھے: ”کھولو کواڑ“
 پھیر پائی اس ڈنڈ:
 ”ہن نہیں پالا نہ ٹھنڈ
 کھول دیو کواڑ“،

آکھے:-

سُنو بھوریاں دی گونج،
 شہت مکھیاں گنجا۔
 سُنو پنچھیاں دے گون،
 نالے ٹبلل دا گیت۔
 سُنو گکا ویندے چھت
 ہاں، وچ راگ بسنت،
 گھر گھر ہو رہا اُماہ۔

روی لیائی سندیش
 آئی دیکھ پیا دیش

سُنی کتن سوہنے لا ؛
کہندی :-

ساتیاں آئے گا دوار۔
بن کھن ہو جا تیار۔
ہن ہو جا تیار :-
رکھیں نیناں اُگھاڑ
رکھیں کھوپلے کرواڑ
پیا آئے گا دوار
پیا آئے گا دوار۔

چھن

سکھنے نی ! سن کتن لگائے :-
میرے جاگن تے سون وچالے
اک چھن ہے بڑی عجیب ،
'وس بوند' مکا ہے رکھی
اوس چھن دے مہنہ وچال۔
جویں پھلاں دے وچ وچال
بوند شہت دی ہندی ہے رکھی۔
اوس چھن میں چھو ہندی ہاں دوار
ساتیاں جیو دی شاید مہاکھ۔
او ہوش بے ہوشی دی کھن
پکڑ سکے کوں نی بھین !
کر سکے اپنے ادھین۔

جاگی جاں ایس نیندوں

بالی سی عمر میری
 چلتی ساں میں مدرّسے :
 اک نیند چھا گئی سی
 اُس پھڑ کے چا بٹھایا۔
 اِس نیند وچ بھی پر نہیں
 بے سُرَت یں نہیں ساں
 اُس حال چھا رہا سی
 'رس' چھا رہا اگئی۔
 بے سمجھ کچھ نہ سمجھاں ،
 رس لین کر لیا اُس
 رس جو سی پار سمجھوں ،
 ادھ چھا رہا اگئی۔

جاگی جاں ایس نیندوں
 جو نیند سی سنبھاگی
 جس وچ سی رس اگئی
 آیا سی توڑ پالاں ،
 اکھاں : ہے بھٹنا اے
 سمجھوں سی رس اہیہ آیا ؟
 جنہ اپنے سوا دیں
 مینوں سی لے بُھایا ،
 مینوں سی لے بُھایا !

میرا سَنَدِش

اوے کالے کبوتر !
 جیو آیاں توں ویر !
 آئے آیں منزلاں کٹ
 تے دلکھاں توں چیر-
 لیاٹے آیں کوئی سَنَدِش
 جو بنھا وے میں دھیر ؟
 نیلی گانی اے گل ،
 نہ چھٹی سَنَدِش-
 اگتے ہے ساں آداس ،
 ہود ہوئیاں دِ لگیر-
 ہاں ، میں سمجھی ہاں ویر !
 لیا یا آیں نہ لین آیا آیں سَنَدِش-

مڑیا جائیں توں ویر
 میرے پیادے دیش ،
 لے جا میرا سَنَدِش-
 چھٹی بھد دیاں تیرے گل :
 ” اچھل اچھل کے نیر
 نین بن گئے فوارے
 اچھل اچھل کے نیر-“

سینت

شہو گل گنے دا شکھ جو
ساگر دی پچھ ہوا نوں
تیرے گلے ادھ لگ لگ
گل گنے دا شکھ جو
سبجے سبجھا دے گی۔

۱

پچھ باغ دی لپٹ نوں
شہو گل گنے دا شکھ کی؟
تیرے مغز لپٹ کے
گل گنے دا شکھ جو
آپے سنگھا دے گی۔

۲

گوری نوں پچھ ویکھیں
شہو گل گنے دا شکھ کی؟
ملاں توں مسکرا کے
نیناں توں دے مٹکا
گل گنے دا شکھ جو
تینوں جنا دے گی

۳

سائیں بلن دا شکھ جو
رنگ رٹڑے نوں پچھیں؟
اتھروں کرن دو نینوں،
متھے تے دمک آکے
سائیں بلن دا شکھ جو
سینت لکھا دے گی۔

۴

پریت دا اگھاڑ

میرے سائیاں !
 تیرے رگیت گادیں
 میں جاتا سنگیتک ہاں۔
 تیرے چھنت پڑھے
 میں جاتا کوئی ہاں۔
 لاڈاں پیاراں نال واجاں ماریاں
 میں جاتا ساآو ہاں۔
 برہے تے ڈوے آچارے ،
 میں جاتا عاشق ہاں۔
 کدے کدے کوئی منکر پئے گیا
 میں جاتا خبرے مشوق ہی نہ ہواں۔
 اُچّ ہاں اُچّ
 سوچھی آئی کہ میں اندرے
 'منگناں' ہی 'منگناں' ہن تے
 تیں درتے بھیکھک ہاں۔
 ہونا بھیکھک تے بننا پریمارت ؛
 ایہہ ہے میری پریت دا اگھاڑ۔
 بوہڑیں سائیاں ! میرے سائیاں۔

میری مشکل

وچھوڑے وچ رونی ہاں تے کہنی ہاں : 'جیو آؤ۔'
 جے کھیچل آؤن دی سوچاں تا کہتی ہاں کہ 'نہ آؤ۔'
 تدوں سوچاں کہ میں چلاں پئے تھہوہن اپڑاں ریکیوں ؟
 میری مشکل دایں سائیاں تیں ہی کریتو سلجھاؤ۔

توہوں بوٹی اے لائی سی

'تیری اے یاد دی بوٹی،
 تیری 'تکنی' اُگائی سی۔
 تیری اک 'ندر'نے اس وچ
 'ہر-جیون' چھڑائی سی۔
 تیرے اک 'ناز' دے غمزے
 سنگدھ اس وچ بُھائی سی۔
 مشک اک پھرچی من وچ
 مکن سُرّتی ہو آئی سی۔
 بھلاؤ جے تیں ساٹوں
 رکیں دھن چمن ساڈے،
 رکھڑے تے مشکدے سائیاں !
 چھنے اے مہک پائی سی۔
 توں اک کھن نہ بھلا ساٹوں،
 نہ بھلاں میں تساں تائیں،

کہ بوٹی اے مشک والی
 تَساں ہی آپ لائی سی۔
 پھڑا وینا میرے ہتھیں،
 تے بھر دے تال میں پیریں،
 چھڑے اے گیت "توں سائیاں!"
 "توہوں بوٹی اے لائی سی"

ہنس پھیری

اکاش وچ اُڈ دے ہنس توں ویکھ کے:

آجا او ترن والے
 ٹھکے توں ترن والے

عرشاں دی تاریاں لے

اُڈن توں والیا وے!

اُڈن نہ جاچ مینوں،

تردی ہاں ڈگگاکے،

ترنا نہ آئے مینوں

تارن ہے والیا وے!

کوئی نہ جاچ آئی

سکھیا نہ کوئی سکتی

سبھناں گناں توں خالی

سبھ گنن والیا وے!

درشن ہی دے دے اپنا

ہے اُجلاں دے اُجَل

بیمبھی اڈیکدی ہاں

۴

مہراں ہئے والیا وے !

آکھن اے جوگی ہوجاں

’درشن میں بل گئے سن

تیں ہنس دے سہا وے‘

۵

پھبناں ہئے والیا وے !

نیناں ہئے والیا وے !

نیناں تراسیاں تے

اک نور نیجھ پارے ،

۶

آچ۔ نیجھ والیا وے !

’مک دم جھٹھا ہاں آجا ،

چھاں اپنی آچھا دے ،

آجا اڈندے سوہنے !

۷

کرماں ہئے والیا وے !

ہیٹھاں سروور وچ اُتر آئے ہنس لڑن۔

آپے ہی آگیاں ایں ،

آجا ذرا اُرے ہن ،

توں مانسرتے ٹھٹھ

ٹھٹھ ہئے والیا وے !

۸

دل ساگروں دو موتی

اکھاں نے لہجہ آندے

دھر کے تلی ہاں بیمبھی

نظراں ہئے والیا وے !

۹

ان ودھ اے دو موتی

چُنگ نے ، اُرے اُرے آ ،

اُجَل سدا توں موتی

چُنگن ہئے والیا وے !

۱۰

کہتے ہو؟

- کہتے ہو؟
 کو لے ہو،
 کوئڈے نہیں؟
 کوئڈے ہو پر کتیں سد سنیڈی نہیں۔ ۱
 کہتے ہو؟
 کو لے ہو،
 دسدے نہیں؟
 دسدے ہو پر صورت نین و سینیڈی نہیں۔ ۲
 کہتے ہو؟
 کو لے ہو،
 ملدے نہیں؟
 ملدے ہو پر تن نوں دیہہ لپیٹدی نہیں۔ ۳
 کہتے ہو؟ میرے سوہنے ساتیں!
 کو لے ہو میرے پیارے ساتیں!
 ہو کو لے پر تو پچھ ملن دی
 سملیندیاں
 سملیندی نہیں۔ ۴

آئیاں راتماں

پتیاں دا چند،
 چھٹکی ہوئی چاننی رات،
 چوٹے کچ مدونس،

آتے ہوواں میں ،
 نین ہوں بند ،
 مٹھی مٹھی روئی۔
 دل۔ کھلتے تئیں ،
 تئیں تئیں تئیں۔
 اچنت اچنت ہوواں میں
 دھیان جیہی وچ : تئیں تئیں تئیں۔
 سائیاں جیو ، سائیاں جیو !
 دیو نا آئیاں راتاں !

دُکھ اندوہ گئے سبھ بھل

دُکھ تے دُکھ پین سر میرے
 'بھگتھڑ اوکھاں' پندے بھل،
 'آساں' 'چاو' کھنہ لا اڈن
 من مندر دے دیوے گھل۔
 کوئی روشنی مڑ آچکے
 کھڑ جاوے جیوں کھڑ یا بھل۔
 "سائیاں میرے" سائیاں میرے
 کرن کوئی اک چانن تہل
 گھل دیندے ہو، آچکاوے
 شمع دے دیاں ہوئیاں گھل ،
 ایوں جاپے جیوں آگئے آپوں
 دُکھ اندوہ گئے سبھ بھل ،
 چھڑ پئے راگ ، ترانے اندر،
 'سائیاں سائیاں' پھڑکن بھل۔

رُک جائے کال چال

دُکھ سارے دُور ہوں
چنتا نہ پھٹکے پاس،

سدا ہوا ہووے من
تیری پیار کھینچ نال۔
رات ہووے آپنی

تے دن نہ پرانے ہوں،
ساہ سوکھ نال چلے

لوڑ نہ ہلاوے، لال!
”سائیاں جیو! سائیاں جیو!“

لگی ہووے لال پیاری،
بن کے سنگیت ترے
مانو کسے سرتال۔

جیہی دھیان والی وچ
تسیں ہووے بیٹھے، لال!
رُک جائے کال۔ چال،

ملے دان، شرن پال!

بنسن ہار دا پریم

سائیاں جیو!
جس جس شے تے نظر جانیے،

جس پیار من لائے،
 تیتھوں بن جو ہود سنہیاں
 موہے جن پر جائے
 افسوساں ارماناں اُتے
 اپنی ٹیک ٹکائیے۔
 بنس ہار ہوئے جو سبھے،
 جد بنس، دکھ پائیے۔

لڑ لگی

منگاں میریاں اجے نہ مکیاں،
 میں میں، میری اجے نہ تھکی،
 'میری میری' پھر دی مگرے،
 منگی گئی نال پئے تیرے۔
 نام تیرے دے لڑ لگ گئیاں۔
 سائیاں سائیاں کوک پککاراں
 'تیری' 'تیری' دئیاں دوہائیاں
 'آمل' 'آمل' دلاں دیواں؟
 وار وار اے دئیاں دوہائیاں:
 تکت نہ سائیاں میریاں کیتیاں۔
 امت وڈائیاں اپنیاں خاطر،
 چاہو کسے پیارے صدقے،
 کر دے مہر مہر دے مالک!
 ساگر دانگ ویکھ وڈ آئیاں
 توں اپنیاں توں اپنیاں سائیاں۔

اٹک نین

تڑپ تڑپ کے رات گزاری،
 وچ اڑیکاں ریک ریک۔
 سائیاں سائیاں، کوکاں دیندیاں
 رگن رگن پل پل اک اک۔
 بھور بھئی تئیں آگئے سچ، پر
 بھاگ بندی دے نیارے،
 رہے اٹک جو نین رات بھر
 ٹک گئے تھکے تھکے۔

دور کو ہوئے دوری؟

جدوں پریم سی دور
 آکھاں آجاؤ حضور،
 جدوں آگیا حضور
 تدوں رہنیاں دور۔
 اوے رملیا رمل دوڑا!
 کوئی دس آپاؤ،
 دور کو ہوئے دوری،
 رکیکوں رہاں میں حضور؟

مشویرا (خزاں وچ)

اوے ویر مشویرا ! دس۔
 توں اوہو جو پھلیں نیں پھلیا؟
 کھڑی ہوئی سی جھدی گلزار،
 گھاہ جس دے سن سبزہ زار،
 پئے گیا اے پیلا او گھاہ
 ہر رہا ہے کھرا ادا اس!
 تیرے پھلاں نے کھا دی کھلائے،
 سرسٹ کے کھڑے ادا اس
 جاوَن مُکدے تے پئے کرن!
 بچیوں وچھڑی ماؤں دے دانگ
 پھلدار ہن پھلاں توں ہین
 دسدے پئے جیوں وچ ولاپ!
 نال پتے بھی رنگ وٹائے
 ڈگدے ہوا دے جھوکیاں نال!

مشویرے دی سیال۔ دھپ

وگت رہی اے مٹھڑی پون
 آوے برقاں نوں پا کھلوکڑی۔
 ٹھنڈی ٹھارتے لاو ندی ٹھنڈ
 وگدی چپ، نہ پاو ندی ڈنڈ۔

دُھپ، پالے نوں مار دی پھنگ
 سورج لوک توں بھجی آئے،
 پالے مٹریاں نوں نے وچ گود
 دیندی ماؤں وانگوں پیار۔ رنگھ۔
 وہل چہل تے کھل ہے کھل
 جو عرشاں توں رہی ہے ڈہل۔
 ہے اکانت اکانت ایکانت۔
 سائیاں، جیو دا ہے پر بھاؤ
 بھرپا مہک وانگوں وچ چاؤ؛
 شانت شانت ہے سوہنا ایہہ چاؤ
 نین مٹن تے اندر نوں اندر
 رُخ آپے دا آپے وچ جائے،
 سائیاں میرے دا ہے جو دلش
 جاندا ہو وندا اساں پر دلش۔

ہتھ کار وُل، رسنا اچار وُل

اک آواز آرہی ہے :-

مٹھٹ مٹھٹ مٹھٹ
 مٹھٹ مٹھٹ مٹھٹ،

تُوہیں، تُوہیں، تُوہیں، تُوہیں،
 مٹھٹ مٹھٹ مٹھٹ
 مٹھٹ مٹھٹ مٹھٹ

ٹھٹ ٹوہیں ٹھٹ
ٹھٹ ٹوہیں ٹھٹ۔

سُن کے سکھی پرتی اک سکھی اکھدی ہے :-

ایسہ کی ہے کھڑ کھڑ
نالے توہیں تے نالے ٹھٹ ٹھٹ ؟
سکھی دا اُتر پہلی سکھی پرتی :-

دُنیا وِچ آلت پُلت ہی
پتے چنٹر چنٹر رگڑ دے ہن۔
پہلی سکھی :-

پر چل سکھی وِہے وِہے
چل تیکھے

اے ان ملویاں ملویاں۔
دوجی سکھی :-

تھاؤں تھوڑی جہی لگے دُور،
چل پو جے چلن منظور۔
دونوں تہ پیاں، آواز دے کول پہنچ کے، پہلی سکھی :-

رہیو رانیو !

سوہنیو سوہنیو !

کیہہ کہیاں اوہ تے

کیہہ گافِریاں اوہ

ہتھوڑی نال اک پتھر توڑ رہی توڑن ہار :-

پتیاں توڑنیاں ہاں پتھر وٹے

نکے ہون ہتھوڑی دی سٹ۔

دوجی سکھی (کاہلی نال) :-

کیہہ کہنیاں پتیاں او مرنہوں

ایوں جا پے رجیوں کہنیاں او ”توہوں“ !

دو جی پھرت توڑنی :-

ہاں، گائیاں پٹیاں ہاں ”توہوں“۔
”توہوں توہوں“ تے ”توہوں ہی توہوں“۔

پہلی سکھی :-

کس نوں کھنڈیاں پٹیاں او توہوں؟

اک پھرت توڑنی :-

جھڑا نکلیا بیٹھے ساڈے اندر،
بیٹھا سندنے جو ساڈا اے رگیت۔
توہاؤں لگدی ہو او ساڈی ڈنڈ،
سائوں پیندی اے گاگا کے ٹھنڈھ۔
خوش ہندا ہے سُن کے او سائیں۔
کردا ساڈیاں ردّ بلائیں۔

پھیر چھڑ پتی آواز :-

ٹھٹ ٹھٹ ٹھٹ ٹھٹ ٹھٹ
ٹھٹ ٹھٹ ٹھٹ ٹھٹ ٹھٹ
”ہے تو ہے تو ہوون ہار“

پہلی سکھی :-

ذرا ٹھہر جاؤ، میری بھین!
سائوں دسینو، ہو راک گل؛
کاہنوں کردیاں او دو کم۔
تھک جائیاں ہو سو ضرور۔

اک سیانی پھرت توڑنی :-

پھرت توڑیئے بے مجوری،
رات کھائیاں کٹکے چوری،
لہہ جائے اس دہہ دی تھکان۔
دو جی چڑھے جو دل نوں اکان
نالو نال اس ’توہیں‘ دے زور

لہندی رہندی، نہ چڑھے ہے ہو۔
دوجی سکھی:-

ہو رہی دوکھاں دی سانٹ؛
کبویں لگ گئی بے نے چاٹ؛
سیانی پتھر توڑنی:-

کوئی آیا سی پھر دا ملنگ،
محنت دیکھ کے ہویا اُداس،
آکھے: سنوئی کڑیو یں گئی،
'دیہہ تھکے تے سکھنا دل۔'
'دیہہ بھر دگیاں روٹی دے نال،
'دل سکھنا بھر دگیاں کینج؛
'دساں نہواں دی کرتوں بلہار،
'واہ وا کر دیاں ہو پٹیاں کار۔'
'پیٹ بھرے گی سوہنی اے سٹ،
'تھکے رہن گے سکھنے دل،
'لاؤ ادس لئی بی کوئی ٹل۔'

پھر بہہ گیا اساں وچکار
پتھر توڑن دی لگ پیا کار۔
نالے سکاوندہ سوہنی او سد:
"ہے توہے توہوں ہار،"
"ہے توہے توہوں ہار،"
توہوں توہوں توہوں توہوں
توہیں توہیں میں بلہار۔
پتھر توڑے تے کاتودا نال
چہرہ کھڑیا تے اکھیاں شوخ۔
رنگ رتیاں اکھاں دا سواد

ساتوں اچے نکاں ہے وے یاد۔
اک سکھی :-

بھلا کٹھیاں جاؤ جے سنگ
پیر ”توہیں“ توں مارو نہ واج،
پھر کی ہندا اے تساں دا حال؟
سیانی پتھر توڑنی :-

محنت کر دیاں تھکدے انگ،
نال تھکدا اکڑاں دل۔
جے نہ سکاوئے سوہنے دارگیت
اگے ورکا ہی ہندا ہے حال۔
اندر سکھنا سکھنا گئے۔
ایوں جا پے جیوں آگئی اکل،
”توہیں“ چلا گیا پردیش
اساں خوشی مئی ہے وے میس۔

دوجی سکھی :-
توہیں ڈٹھانے نیناں دے نال
جس دے پیار دے گاندیو گیت؟
سیانی پتھر توڑنی :-

اد ملنگ سی دسدا ایہہ :-
توہیں سبھ دے میراں دا سائیں
اوہدا روپ ہے ”توہیں“ تے ”توہیں“
ادہدا رگیت ہے ”توہیں“ تے ”توہیں“
اچانک کسے رنگ بھر کے ساریاں سکا آٹھیاں
توہیں توہیں توہیں توں
”ہے توہیں توہیں توہیں ہار
ٹھٹ ٹھٹ ٹھٹ ٹھٹ
ٹھٹ ٹھٹ ٹھٹ ٹھٹ

تیرے چو جاں دی چال

سوہنے سائیاں جیو !

بلیہار۔

تیرے رنگاں تو صد بلیہار۔

لگے کر دے او کو تک میں اندر

کدے چھپے ہنیرے دے اوہلے،

کدے مکے مکے بچ چان

۔ تر کھئے تر کھئے اپنے چان۔

کدے کھیلدے دے، لاہ گھنڈ

پر آج

ہاں، سائیاں جیو میرے، آج

کی کیتو نے چو ج اچر۔

ہیں، آج سویلے سویلے

اڈ گئے اکاشیں اُچے اُچے :

دور دور کہ دوروں بی دور،

پر دتو نے جھلکا جھلکائے،

دوروں دوروں او رنگ جمائے

موہ لیو نے اِکو لشکار

نوری روپ دی جھلک جھلکائے۔

واہ وا پیارن جیو تیرے چو ج !

واہ وا سائیاں جیو تیری مَوج !

اُرے اُرے پے اگوں اگم،

پرے پرے پئے مسکھو مسکھو ،
 جوئیں چاہو چا کرو نہال ،
 تیرے چوہاں دی اجرچ ہے چال۔

چھڑی

پرشن - توں کون فی مائی ؟
 اتر - میں ددھ دی جائی ، پر دہی نہ ،
 میں ددھ دی جائی ، پر ملائی نہ ،
 میں ددھ دی جائی ، پر مکھن بی نہ ،
 میں ددھ دی جائی ، پر لسی بی نہ۔
 پرشن - پھر توں کون ہیں مائی ؟
 اتر - کتاں پچھے ہتھ دھر کے سنی میرے ویرا !
 میں اوں چھڑی ، چھڑی ، چھڑی۔
 پرشن - پھر مائی توں کسے کم دی نہ نہ ہوئی ؟
 اتر - نہ دے ویرا ! ایوں نہ آکھ
 مینوں مل لیندی اے شوانی
 اپنے ہتھیاں دے نال ،
 اوہ ہو جاندے ہن کوئلے ،
 لگدے ہن پیادے گل جائے۔
 سن دے ویرا !
 مینوں ملدی ہے شوانی
 اپنے بھرے تے آپ ،
 پیاتک تک کے چہرہ

پیا ہندے نہال۔
 سوچنے سائیاں نے دتا ای مان
 اساں، نمائیاں جوگ،
 ہاں،
 اساں، نمائیاں جوگ۔

دل وٹا ندرا

تیری چمک۔ کپول پیار دیاں کھچیاں مارے۔
 نہ وے ڈھولا، نہ، پیار میں نہیں وسے۔
 نین تیرے بھر نیر پیار توں روڑھ لجاوے؟
 نہ وے ڈھولا نہ پیار توں اندرے سجن۔
 ملک کے بہے پیار، ڈھول دے وچ دے دے
 نازک بڑا ملوک، بچے وچ ایس قلعے دے۔
 اوس قلعے وچ پہنچ کوئی ہو نہیں والی!
 کیوں ملے دیدار؟ سہل اُس سندر جی دا؟
 اوکھی اوکھے پہنچ سنی توں ڈھول چھیلے!
 کوئی دس آپاؤ سوہنیے نازک سوہنیے!
 دل دی ہندی سانٹ دے دے نال وے ڈھولا!
 دل دتیاں دل ملے ہئی ایہہ نیم پریم دا۔
 اپنا کر دیو بھیسٹ تدوں دل پیاراں بھریا
 آ ملدا ہے ڈھول! ہور کوئی نہیں چارا،
 ہو وٹا ندرا جائے دل دا ایداں ڈھولا!
 اکو دل رہ جائے پریم تے پریمی پلے۔

اک دل اکو پاس رہے اے نیم دھراں دا،
دو دل سکّ سمائے اک نہ دیہی اندر۔

میرے چّے لگ رہے ہن

میرے چّے لگ رہے ہن۔
پانیاں دی چھاتی تے میری کشتی تری جا رہی ہے،
ہولے ہولے، سہجے سہجے، رُکے رُکے۔
دن ڈھل گیا

چّے لگ رہے ہن، کشتی چل رہی ہے،
ہاں کھتے کو؟
شاماں پے کیئاں، کشتی چل رہی ہے،
میرے چّیاں دے پانی نال لگن دی آواز
کہہ رہی ہے:
چل، چل، چل، چل۔

ہنیرا ہو گیا۔
دور دور کتے کتے دیوے ٹمکدے ہن۔
چّے لگ رہے ہن، کشتی چل رہی ہے،
اجے چلی جا رہی ہے
داتا! کھتے کو؟

تارے چڑھ آئے، پانیاں وچ اتر آئے،
ہوا رُک پئی،
تارے پانیاں نال کھیلدے ہن، میری کشتی دی
چال توں بے پرواہ ہن۔

میرے چچے لگ رہے ہن، کشتی چل رہی ہے
داتا! کہتے کو؟

چند نہیں، سورج نہیں، میری بیڑی وچ دیوا نہیں۔
پانیاں دی چھاتی تے کوئی راہ سڑک پگ ڈنڈی
نہیں،

میرے نتا نے چچے ہن۔

پانی بیڑی تلکائی چاندا ہے،

جیوں جیوں کشتی ٹردی ہے

ٹمکدے چانے دُور ہی دُور جا پدے ہن۔

پانی ٹھنڈے ہن، لہردار ہن، ہوا تیرکھتی ہے،

جھپٹیاں پاندی ہے، پر ہن ہتھ بھر دے ہن،

داتا! اجے کہتے کو!

رات ڈھلک پئی، تارے لٹک گئے

بیڑی تلکداری جا رہی ہے،

پانی چٹیاں دا منہ چمدے ہن، اتے آکھدے ہن،

چل، چل، چل۔

دس داتا! کہتے کو؟

کیرو پہاڑ

صبراں دے حجرے وچ واسا بلیا،

کیرو پہاڑ دے لاگے۔

بھترتے بھتر آ حجرے تے پندے،

کرٹکن تے دیون دھماکے۔

اکت دی سٹ تے سد نہ منکدی ،
 ہوو نوں آ آ پندے -
 بندی تسا ڈی دا ووت زبانا ،
 جانو تیں شہو جی آپے -

سائیاں دی ساری

رکھی رہی میری پون سلائی ،
 رکھی رہی میری پون پٹاری ،
 چھٹک گئی میری چرکھی منکھی
 و سرگئی سبھے ترنجن دلا دی -
 بچن نہ ترنن نہ کھیڈاں ہی دہیاں
 سائیاں نے سینت جدوں آن ماری ،
 نظریں پروتو سوکندھی جیوں مچھی
 سائیاں دی ہوئی میں سائیاں دی ساری -

جھانولا

دوری ہے ، ہیرا ، کچھ ہوندا نہ سہی ،
 پیندا پیارے جھانولا سو جھانولا ہی سہی -
 جھانولے نے اپنے دل دھیان کچھ لیا ،
 جھانولے دے آسرے ہے سیدھ بچھ رہی -

واجاں پتی مار دی ہاں سیدھ آسرے ،
 کتیں تساں پہنچدی اے سدہ نکی جہی۔
 کوئدے سہندے ہو نہیں نہ بولدے دسو،
 اے پرکتن اکھدے : ”بولدے بی نہیں“
 ابول بول بولدے جیوں تاریاں دی لو،
 تاریاں دی نو کافی ، نو ہی سہی۔
 کچھی تنی پیار والی کھتے من لگی
 میٹھوں کد پگیوگی اے نکی من لگی۔
 کچھی تندہی آپ توں پگا دے سائیاں ،
 تیری لائی، تیری کچھی، پگے تیں جہی۔

دل سدھر

بہت پوچ ، توں ویکھ سدھر میری ابھرے ،
 تیں رہو پچھوار میری میں دے ہی پچھانہہ ۔

گھٹے نہ ویکھن۔ شوقِ عمرِ جاندی بیتدی۔
 اگو اگو اگو اگو ہے میرے توں پیارنا !
 اک چھن درس دکھال نیناں ساہویں آئے کے
 مٹی سندے نین اک دن مٹن خاک ہو،
 مٹن پہلیوں آئے درشن دے اک وار میں
 گلو کڑی اک وار پا کے ملو پیارنا !

پیارا طرباں

وین کارا! آوین و جا
 کوئی سٹیاں کلاں جگا!
 توں کچھ دے اناں دیاں کلبیاں
 طرباں پیار دیاں پٹیاں ڈھلیاں۔
 اوے

موے مے وچ چنڈی پا
 کوئی دے الانبا لگا۔
 کوئی چھڑ دے پریم دی بیت وے،
 دل چیرویں گا کوئی بگیت وے،
 لیاواں موتیاں دا بھر تھال وے!
 تیری جھولی کراں مالا مال وے!

چان اچکیاں

اوے ڈھولیا ڈھول و جاندیا!
 پیا ملن دی گت و جا!
 کوئی لا شہدیاں دی سٹ وے!
 جڑ غماں دی اندروں پٹ وے!
 ہن دکھڑے نہ کوئی پھول وے!
 بھر خوشی و جے تیرا ڈھول وے!

تیرے وجدیاں ڈھول ڈھنگیاں
 سائیں آجائے چان اچکیاں
 تیرا بھر دیا سکھنا جھول دے!
 مسائیاں آگئے بولدے بول دے!

مڑ مڑ پھیرے پاندی آں

جیوں 'ساگر دی لہر' کنارہ
 چم چم مڑ مڑ جاندی آں،
 رتیوں یں 'یاد تیری دی دیہوئی'،
 چم چم مڑ مڑ جاندی آں۔
 اکدے تپس نہ اکدا ساحل
 ایہہ خوبی چند لاندی آں۔
 ساگر کندھا اہے کڑاڑا
 چون تساں پر کو لے ہن،
 سہہ جاندے ہن چم میرا
 تک تک صدقے جاندی ہاں؛
 سہن ریشیتا دیکھ تساں وی
 مڑ مڑ پھیرے پاندی آں۔

برہوں لیکھ

اوے جوتشی! پتری ویکھ دے
 بکتے برہوں والے میرے لیکھ دے!
 اوے رملیا! رمل لگا دئیں،
 کدوں پیا میرے گھر آجی۔
 اوے جوگیا! واپج اگم دے!
 کد میٹسی برہے والا غم دے!
 اوے سائیں دے برہر دے فقیرنا!
 میرے برہے دیاں میٹ پکرننا
 سنتا! ماد کھال کوئی توں میکھ دے
 میرے میٹ برہوں والے لیکھ دے!

کوئی مئے نہ کوک پکارنا،
 کوئی پکر دا نہیں ہے پیارنا!
 تھک لہتی ہاں گھتدی واسطے
 تیرے سکھ سنہیاں دے واسطے۔
 ہن تاں آس بدھی پئی جینی آں،
 درشن کار نے سدا اڈینی آں۔
 عمراں بیتدی وچ اڈیکنا،
 ہووہ صبر دی رتی تو رفیق نہ۔
 آجا آپ دے سوہنیاں پیارنا
 دیر رتی نہ لائیں دُلا رنا!
 منتاں تیریاں تیریاں داریاں،
 عرضاں کردی ہاں پیاریاں پیاریاں۔

تیرا آشیانہ

لئی پھر دی بچیجے توں بچیجے
 سی قدرت کچھدی ”کوں دس ، بلبَل !
 ”تیرے لائق دا جے کوئی باغ ہووے ؛
 ”جے ہووے تاں میں کر دیاں گی
 ”تیرے اک آشیانے دا اڑکانہ“
 کہیا اُس مُسکراتے ہو حیرانے :
 ’میرے لائق داکا ہے ، میں نہ جانا۔
 کہ جس جس چن تے میں جی لگایا ،
 اڈاری مل گئی اُس تھاں توں آپے۔
 سو سُن لے بینتی میری توں سہیے :
 میرے سائیاں دی جس تھاں لپٹ ہووے ،
 میرے سائیاں دی جس تھاں ونگ لہرے
 بنا دے آشیانہ اُس بچیجے ،
 چہے رکھ ڈالیاں تے چہہ نندی۔

کچھ

تَساں بنھیا نیم ”وڈے کھچن چھوٹیاں“
 سُو رُج کھچے دھرت دھرت پھر چند توں ،
 چند مار دا کھچ آچھالے ساگراں۔

دکھ اپنے دل کچھ ، سب توں وڈیا !
 کچھ اپنی دل کچھ ، اساں نوں نکلیاں۔
 جے نہ دکھیں کچھ ، سائیاں میریا
 جاساں ہائے گواچ بن تے بلیاں۔

ٹرجاؤ نہ

جد ملدے ہوئیں سائیاں جی !
 تند ہوش میری کھس لیندے او ،
 نہیں ملدے بے پرواہ تیں ،
 تاں ہوش میری تڑپھیندی اے۔
 جد یاد میری وچ دسدے او
 تند درشن تانگھ اُنگدی اے ،
 'چھل ساگر وانگوں پیندی اے
 پل اٹھدی اے پل ڈھتدی اے۔
 جد اٹھوں بی اٹھ ٹردے او
 تند منتاں ترے کردی آں ،
 کئی گھٹ واسطے پھر دی آں ،
 پھر پھر کے سماں بہیندی آں۔
 پھر ہسدے او ، دل کھسدے او ،
 رس دسدے اوہیں سائیاں جی !
 چپ تِلکن ۔ تِلکنی تِلکدے او ،
 تک جان میری تڑپھیندی اے۔

کوئی روپ نہیں، کوئی رنگ نہیں،
 کوئی وسی کر ن دا ڈھنگ نہیں،
 'ٹر جاؤ نہ، ٹر جاؤ نہ،
 ایہہ رجنڈی کوک کو کیندی اے۔

اوجھل ڈاجی

ہے ادوپ! تیں روپ وان ہو کدے تاں لاڈ لڈاؤ،
 یا ادوپ کر کدے اسانوں درس۔ ادوپ دکھاؤ۔
 سستی وانگوں بانہہ اُلا راں 'اوجھل ڈاجی، مگرے،
 دینیں رات پئی کوکاں سائیاں ! آجاؤ آجاؤ۔

نہ چھپیا کر

توں سدا چھپے،
 ہاں ہے توں آپے چھپنے ہار!
 چھپیا رہو،
 چھپیا رہو،
 جی صدقے چھپیا رہو۔
 پر توں اپنے پیارے توں کہو
 توں نہ چھپیا رہو۔
 تیرے چھپیاں

جگ رشنائی گمادی اے ،
 دنی ہنیرے گمادی اے ،
 ہے توں آپے چھپنے ہار !

ترڑ پھن

میں
 پر بتاں توں پتی ٹر ،
 مداناں نوں کچھدی ،
 تھلاں ریتے آلا تگھدی ،
 آ کھلوتی کنارے
 ساوے ساگر سہاوے دے ۔

لگا سورج سی نہاؤں
 پچھوں دُور کنارے ساگر وچ ۔
 ہو حریان گئی میں
 تگ کے لہر بچھاڑ ،
 ہاں اپنیاں اکھاں دے کول ؛
 تگ کے لہر دی ترڑ پھن
 اپنے نیناں دے پاس ۔
 پچھاں لہراں نوں ہائے !
 کھنوں لئی نے ترڑ پھن چرائے ؟
 کہ لگ گئی میری اے چھوہ ۔
 ترڑ پھن میری دی چھوہ ؟

سائیں سائیں کریندی اے لہر
 اُچھل ڈنگے ٹکڑاںڈی جائے ،
 گھم جائے تے ، ترپھ ترپھاؤں ؟
 شور کردی اے سائیں ساں ہائے ،
 میری سہ سنیدا اے کون
 ایس ترپھوئیں شور وچکار۔
 تہ میں سورج نوں کیہتی پکار
 اوے جانے ویرا ! اوے ویرا !
 ایس لہر دا ترپ ترپاؤ
 چے کد وکناں ؟ آیا اے کتھوں ؟
 دس ٹکسی کدوں اے ویر ؟
 سورج : میں ہی ہاں دوستی ، سن نار !
 کچ لہر توں پاندا ہاں میں
 اوہ اُچھلے ترپے ملن توں !
 مل سکے وچاری نہ ہائے !
 وچ پئی اے 'دوری' وِشال۔
 دوری دوری اے برہوں دی خاص۔
 میں : دس سوہنیاں مینوں اک گل :
 لگیں وڑن کلائی دے وچ
 اس ترپھدی لہر دے تائیں ،
 لگنے چھہندا توں لہر دے نال
 مک چلی اے "دوری" ہو دور ،
 جے توں دسنے ترپھنی لائے
 سورج : جھٹے کھڑی ایس سوئیے نار !
 جھٹے میں پیا دنا نال۔
 اکو جی ہے "دوری" وچال۔
 اس لہر تے میرے وچکار ؛

ہاں، تڑپھدی 'لہر' میں وچ
 دُوری ہی دُوری، ہے نار!
 تیرا 'نظر' بھلیو، مٹیار
 تینوں دس رہا ہور توں ہورا
 میں: کیوں تڑپھنی، سوجا! کیوں
 کس ساجی اے اچھل اچھال؟
 حقے بکھرے اساڈے ایہہ "تڑپھن"
 کوں پئی اے چاننا! آئے
 سورج: کچھ لاؤنی آئی میں حقے
 ہاں ازل توں آئی، اے نار!
 کھانی لہر دے حقے ہے کچھ
 ایہہ بی ازل توں آئی، مٹیار!
 میں: کس نے ساجی اے تڑپھیں کچھ؟
 سورج: کچھاں والے لے گھڑی اے کچھ،
 کچھ کھا کے تڑپھن تے اچھل
 ایہہ بھی اُسے نے ساجیا سیگ۔
 مٹھے لہر دے کھتی اُس تڑپھن،
 تیرے کالجے تڑپھنی پائی۔
 'تڑپھن چیس، دے ہئی وچال
 'جند-رانی، داکوئی فی بھید۔
 اس نوں جھلدیاں سوہنیئے! شانہ
 کھل پوے گلو یا او بھید۔
 جھل جھل جے سکئی اے جھل
 کھل پئے او ازل دا بھید۔

اصلیت

ہے اصلیت 'میں میری، دی!
 کدے تاں اس توں نکھر یا کر۔
 لاہ کے آپروں اوپرے کپڑے،
 رنگ آ پنے نکھر یا کر۔
 متاں کتے او اصلاں مالک،
 ریجھ پوے تیں نکھری تے،
 مار لوے کوئی جھٹا تینوں،
 جھپٹیوں پھیر نہ نکلیا کر۔

سمندر دے کنارے پیل دے پت دی نوک
 نال لنگ رہی جل بوند دی

اردا

ہے ساگر! بل والے ساگر!
 لہہ لہہ کر دے ساگر!
 پلم رہی پیل۔ پت نوکوں
 ملاں کوں؛ رتن اگر!
 جے کدّاں تاں پواں دیت وچ،
 اڈ پھین دا تان نہیں،
 اچھل جھوپ لے بوند اناہی،
 ہے مہراں دے ناگر!

بہن پتھر

اک پتھر ہے پیا بے ڈول
ہے بہن تے کوئی نہ روپ۔

بت تراش دی پئی نگاہ
اُس نے اوس وچ تکی تصویر،
نال تکیا وادھو دا پتھر
جس رکھی تصویر لگا۔

نے کے سٹھری ہتھ اک وچ
دوجیوں دے ہتھوڑی دی سٹ
اگر اکر کے وادھو دا پتھر
کر دکھ، کر دتو سو دور۔
دیکھو بن گیا سوہنی تصویر
اور پتھر بے ڈول بہن۔

توئیں

میری 'من دی رٹلا' بے ڈول
ہے بہن اک پتھر دے وانگ،
پر توں اوس وچ اپنی تصویر
جہیں اکرنی 'سانیاں' آپ۔
جو کچھ اوس وچ غیر ہے غیر
اُس توں سٹھری دی دے دے سٹ
پرے کرنیں اکر اکر۔

مینوں ہندی ہے پٹیر
پٹیر کردی ہے ہائے تے ہائے۔

نہیں دیکھ دی سائیاں ! تیں پیار،
 رہیں اپنی تصویر اتار
 میں پتھر دی 'من برشلا' وچ۔
 جو کچھ غیر ہے کرنیں توں دور۔
 تاکہ رنکل پوے تصویر۔
 تیری انجھوی سوہنی تصویر۔

میرے سائیاں ! توں ہیں کلاوان
 'تیری کلا ہے مہر بھر پور،
 ایوں سمجھن دا دین شعور،
 بے شعوریاں کریں چا دور۔

میرا کنی

رہیرا اک اسمائوں ڈھٹھا،
 ٹٹ کے ہو گیا کنی کنی۔
 کنی کنی بنی میرا ہے دے،
 جیوں کی رتوں ہے بنی بنی۔
 پار کھو آں نے پرکھ لیا ہے،
 لیندے سونے جڑ ت جڑا،
 مورکھ آس دی سارن جانن
 پیر لتاڑے جنی کھنی۔

بُجھو اے کون؟

گئے سسک تیل دیوے جگ جگ کے رات ساری،
 بل بل کے نال، سائیاں! ہن دہیاں بی تھکیاں۔
 گھل گھل کے موم بن بن، بن اٹھو جو ڈکن،
 نینوں شمع دے وگ وگ او بی جی ٹیک چکیاں۔
 اُتوں ہنیرا پھایا بدلاں نے گھپ کیتا،
 ہن بی تکیں رستہ پیارے دا، میری اکھیاں۔
 گئے آتدوں ہی پریم پچھوں دے پھوپے ہی،
 'بُجھو اے کون، کھندے نپ لیاں آن اکھیاں۔

ان سنگیتک سنگیت

بے سُر اے تارا ہے میرا راگ
 ہے میرے راگ روپ سائیاں جیو !
 تسانوں کچ لگ جاندا اے رسمے؟
 میں جریان ہو جاندی ہاں جدوں میں دیکھدی ہاں تسانوں
 اپنی چھن اندر وڑدیاں امرت ویلے تے
 ملکرے بہہ جاندیاں
 سنن میرا بے سُر راگ تے ہو جاندیاں مو
 اُس ان - سنگیتک سنگیت وچ۔

اپن چیتی دا جھاکا

ہلک گئی میرے ہتھ دی پونی،
 چپ ہو گئی گھو کینڈی چرکھی،
 عرشاں دا چند زمیں آکھلوتا،
 صورت گئی میٹھوں نہ رکھی نہ پرکھی،
 کب گئی میرے نیناں دی جوتی،
 جند گئی وچ جند دے کرکھی۔
 درس سادواں کہ درشن ماناں؟
 لہر چڑھے اک لہرتے ہرکھی۔

کوکن بیر

واہ وا وے اسیہ اُگیو!
 میری ڈھوک + دوالے، ملہو + !
 واہ وا وے ملہاں نال لگیو کوکن بیرو!
 واہ وا وے میرے سائیاں، جیٹو تساں جیٹو دے چوج!
 کون جانے اج آسو،

جو آپے آگ کھڑد وے۔

جھونپڑی۔

نکے نکے دھرتی دے نال نال بیرا دے آگے بوٹے۔

ہاں آسو سیو نہاں تیاں تیاگ کے ،
 ہاں آسو سیو بیراں دی ضیافت چھوڑ کے ،
 گول گول موٹے موٹے لال لال بیراں دا
 پڑیتی - بھوجن بی چھوڑ آسو ،
 ہاں سوہے سوہے کالے بیر بی کھادھے جان لئی
 وکدے چھوڑ آسو۔
 ہاں سائیاں جیو، سوہنے سائیاں بیو !
 آگئے ہو میں نہانی دی ڈھوک کو کدے کو کدے :
 ”جھکھ لگی اے ، جھکھ لگی اے
 ”لیا کھوا کو کن بیر، لگے ہن جو تیرے بلہاں نوں“

کبیدی ، حق کدی ، خوش ہندی پر شرمی
 میں توڑ لے بیر
 کاہلی کاہلی تے لگی ساں دھون
 کہ دھو کے دھر کے اربی دے پتے آتے
 لیا دھراں بھیٹ نہانی بھیٹ۔ آپ منگی بھیٹ۔
 سائیاں جیو دے آگے ؟
 کہ آگئے سائیاں جیو دوڑے دوڑے
 کھوہ لے دھوئے جان لگے بیر ،
 کھوہ لے جیویں کھوہندا اے بال ماں دے ہتھوں مکھانے ،
 تے کھالے اک اک کر کے سواد لالا کے۔
 واہ میرے سائیاں ! بلہاں بلہاں !

بلہاں کہندی دے کھل گئے نین !
 واہ وے نینوں ! کاہلی کیتیو نے میرے چنچل نینوں !
 مٹے رہندیاں جے کوئی پل ہو۔

ہائے ! ہچچٹا ہن
 سنو میرے دل نینوں ! اک کراں ارزونی :-
 تہیں نہ کریو کاہلی تن۔ نیناں وانگوں ،
 ہائے نہ کریو کاہلی ،
 سنبھالی رکھیو ایہہ موہن مورتی۔
 تے روندے رہا جے
 تہیں میرے تن۔ نینوں !
 وچھوڑن والیو !
 روندے رہا جے اپنی کاہلی اُتے۔

سندر تا توں سندر وچ

نینوں تنگدی کھڑی گلاب وّلی !
 موہت ہووندی تری در آئیاں میں۔
 تیری گندھ سگندھ توں مستیاں دی !
 جھوٹاں سرے تے آن کے چھائیاں میں۔
 تینوں پرسدیاں ہتھ ہری کپ لگی ،
 وسم وسم ہراں اندر دھائیاں میں۔
 پھیر گدی جاوندی آپ وچ توں ،
 کسے وچ گلوکڑی پائیاں میں۔
 غیبی چھوہ کوئی سندر سوہنے دی ،
 لئی جاندی اے وچ کلائیاں میں۔
 پچھلے پاسیوں "میں" دے کئے آکے ،
 بولینتا وچ ولایتیاں میں۔

کوئی دُسیو غیب دے سوہنیو وے !
 کہتے راہو تاں نہیں سی سائیاں میں ؟

سکھ سینت

اج سکھ سینت عرشوں آئی۔
 'تینوں پیار کریندے سائیں،
 'اُدھو سائیں، اُدھو سائیں،
 'جس دی سی تیں، لومِن لائی،
 کھیوی ہوئیاں
 کھیوی ہوئیاں
 'نن سادی کھیوی ہوئیاں،
 'وچ شکرنے بھر بھر روئیاں،
 بھر بھر روئیاں،
 بھر بھر روئیاں،
 'تھر تھر تھر تھر ہر آئی،
 'تھراٹاں دی لہر لہرائی،
 'گم ہو گئیاں
 'گم ہو گئیاں۔
 'ہن آس چھن دی یاد پیاری
 'جھوماں دیندی رنگ رنگاری،
 'واہ وا سائیاں !
 'واہ وا سائیاں !

دھارا دل ٹکے والی

- ہے دل ٹکیا ! توں گنگا ہیں،
 ہے دھارا دل ٹکے والی !
- توں دھارا ات انوپم ہیں،
 ۱ توں دھارا ات انوپم ہیں۔
 ہے سیتل وہ رہی گنگے !
- ہے امرت چل رہی دھارا !
 تیرا سورگی سروپم ہے،
 ۲ تیرا سورگی سروپم ہے۔
- توں وگدی تاں نہیں دس دی،
 پے وگدی ٹھنڈ پاندی ہیں،
 تے ہوند اپنی لکھانڈی ہیں،
- توں روپم ہیں انوپم ہیں۔
 ۳ اہو ہن بھاگ سپیونی !
 جو اشنا نیا ہے اس گنگے،
 تے چکھیا، نیر جس اس دا
- اوہ دس بھومی دا بھوپم ہے۔
 ۴ ہاں وگدی رہو سدا گنگے !
 شانگ دان دیندی رہو،
 تے پاؤن سبھ نوں کردی رہو،
- ۵ کہ توں پاؤن سروپم ہیں۔
 تیرے درشن شانگ نے
 ہے تن من ٹھاریا سارا

تیسرے آچن جیوایا
 ۶ سبرش پارس انویم ہے۔
 اترنا عرش توں تیرا
 تے دل بھومی تے وہنا جو
 ہے گنگے ! ہے انویم ایہہ
 ۷ انویم ہے ، انویم ہے۔

پھیرا پا جان دی پر بھا

نظراں بچا کے یں چڑھ گئی پوڑھیاں ،
 ملکڑے جا پھچی دھڑھچتے ،
 تنکی اسماناں دل آپڑ نوں ، آپڑ
 گدّ دتیاں نظراں ، تے
 مادیان واجاں
 'میرے سائیاں ! میرے سائیاں'
 جھگگیاں نظراں ،
 ڈھکے پئے چھپر اکھاں دے ہو ہو کے بھارے۔

کوئی لگ گیا سکل میرے !
 یں تر بھکی تے کھل گئے یں ،
 آہ ، ایہہ تاں سی سیتل پون
 جو ٹھنڈیاں رہی سی پا۔
 یں کہا ہن اچّی سوکاں
 'میرے سائیاں ! میرے سائیاں !'

جگت جس نوں نہیں سناؤنا
ہن رہ گیا اے دور ہیٹھ،
ہاں! تیس ہن نیڑے ہو نیڑے،
جہناں دے کنیں پچاؤنی اے کوک
’میرے سائیاں! میرے سائیاں!‘

چند آگیا اسمائیں
پر چاندنی اتر پئی ہیٹھ،
مکن ہو رہی ساں میں
کہ کسے چم لیا متھا۔
تر بھک کھل گئے میرے نین
کون سی پیا چمدا متھا؟
تیس! ہن تیس؟ نہیں،
ایہہ تاں سی چاندنی
جو چم رہی سی متھا۔

میں کہیا: منا! ہو نہ غافل،
کوکی چل، کوکی چل، کوکی
لے ہلارے پر کوکاں نہ بھل،
سن رہے فی منا! تیرے سائیں،
کوٹے دلاں والے پئے فی سندے
تیریاں کوک پکادیاں نوں آپ۔

میں پھیر تر بھکی:
’کس نے کہئے؟‘ تیرے سائیاں،
’آ رہے فی تیرے او سائیاں؟‘
ہیں...

کس نے سنائی اے سوتے؟
 نہیں پتہ، پر سنی میں آپ۔
 ہاں، اُج بی ہو گئی اے دیر،
 ہو سن آؤندے، آؤندے ہیں تاں۔
 منا! کر لے آرتی تیار،
 متاں آؤن تے توں بے تیار۔

تھال کیتا میں سدھا سپٹ
 دیوے جو کھینے وچ گھٹیا گھیو۔
 وٹیاں دتیاں چرو مونہاں وچ پا۔
 کیتی دھوپ دی بتی پھر کھلی،
 چندن برپا دھریا کا فور؛
 پھیر لیتا چمقا سنبھال
 کہ

آئیاں دی بڑک سندے سار
 جھاڑواں گی آگ تڑنت؛
 لوں آرتی جھٹ جگائے۔
 گلے پاواں گی سہرائیں اٹھ،
 چرناں کلاں تے دھراں گی ریس۔
 آرتی لیاں پھیر اتار۔

درس دی اے تریل۔ پھوہار۔
 پھٹی دی اے ہو سبھ دین۔
 بھر دی اکھیاں وچ پئی اے مٹھی۔
 مٹھی دس دی پھوہار۔
 جڑ دے جاندے نے دس بھرے نین۔

پھیر ترہکی ہاں ، ہائے میں کیوں ؟
 ٹھونکا لگ گیا کوئی ہے پھیر ؟
 کھل گئے ہن میرے مٹ نین ،
 ودھدی اے ٹھنڈ ، ودھدا اے سواد ،
 سر وچ سرور، نیناں وچ تراوت ،
 پیندی سارے ہے رس دی پھوہار
 منا ! کر لے ہن آرتی تیار :
 ایہہ نشانی ہئی پک پک۔
 اس دی پیندی پئی جو پھوہار
 سائیاں جیو دے آنے دا چھہ۔
 کڈیہ لیا میں تدوں جتھاں
 جھاڑی اگ لگا کے میں سٹ
 ک

جوتاں جگاواں ، دھکھاواں میں دھوپ
 مشک کپور نوں دکھا دیاں آگ۔

(ترہک)

ہیں !

ہیں ہیں کہہہ ورتیا سائیں !
 میرا گندیا سہرا ہے گم۔
 کون چک کے لے گیا او ہار ؟

ہیں !

دھوپ ؟ دھکھ دھکھ کے ہے ہس مچکی
 جوتاں بل بل۔ پی پی کے گھیو
 سوں چکیاں ہن ، مجھ گئیاں۔

ہیں !

چندن بورتے مشک کا فور

گئے آپے تے دوئے ہن کھیڈ۔

ہن عطر عنبر اڈھکے۔

ساری آرتی ہی ہو چکی !

ہو چکی ؟

میرے کیتے بنناں ہو ہو چکی ؟

سچ چچ میں سائیاں جی پیارے !

میری آرتی ہے ہو چکی ؟

کون آیا تے کر گیا کون ؟

کنڈا مٹی دا دجا ہے پیا ،

کون سکدا اے تساں بن آئے ،

نہ ہنڈھوں نہ آتوں ، نہ وچوں وچال ؟

ہائے اک نین جھکے میں وچ

اکھ۔ پھر کنی میری دے اندر

تس آئے تے آرتی آپ

ہو ہو صد قرے تساں توں گئی۔

تس آئے تے لنگھ بی گئے

اک اکھ جھکے وچکار۔

مسیں بکریں ترسندیاں آئے

تس آئے تے لنگھ بی گئے !

واہ واہ اکھ۔ پلکاریا واہ ،

اوے کرگیوں کھیل اٹھٹی۔

سائیاں جیو آرتی !

کس نے کیتی ؟ آپے ہو گئی ؟ کج ؟

سہرا گلے پے گیا ! کج ؟

کیس سو بھاگ متھے چڑھ گیا ! کج ؟

عطر عنبر اڈھکے ، کج ؟

مسکندہ صدقے ہو گئی ، کج ؟

سائیاں جیو !
 مٹھے ہتھ لاوندی ، تساں دے
 چرنار بند دی پیلی ، لپٹ بھری
 پرآگ دھوڑی بی ٹک رہی ہے ۔
 ہیں ! تگوا !

میرے مٹھے نے 'چرن - جھوہ' بی
 پالئی ہے ۔

کنج میرا مٹھا پیادے چرناں تے
 ٹک گیا سی ؟

میں تاں نہیں ٹیکیا !
 کس نے ٹکایا سی ؟

آپے ! ہیں آپے ! کنج ؟

واہ داتا ! ایہہ دس ، سواد ، ٹھنڈ ، اماہا ، چاؤ
 پیادے ، بھنی بھنی سٹکدھی ، ایہہ لکھا رنگ
 تساں دے ایٹھوں پھیرا پا جان دی پرہا ہے ؟
 تساڈے پرش توں پون نے آکاش نے
 میرے من منڈل نے ایہہ سواڈ لیا ہے ؟
 وسے وسم ہو رہی ہاں ۔

واہ واہ !
 تیں لنگھ بی گئے ۔
 آئے بی تے لنگھ بی گئے !

سائیاں جیو ! ہن پھیر واجاں مار رہی ہاں ،
 غٹے نہ ہو ویو میرے کوٹے کوٹے دل والے جیو !
 ایہہ گوک ہی تاں میری پنکھ - آڈاری ہے ۔
 میں کہا سی ، آج میں آرتی اتاراں گی ،
 تیں آئے ، آئے ، مہراں ورساندے آئے ،

پر لنگھ گئے اک پلکار وچ
 کوئی دیندے اک دی چھوہ۔
 ہاں! کر دے کم میری
 منسا چھوہ تے پر تیتی،
 گئے لنگھ،

سے توں بی اوہلے اوہلے۔
 پلے رہ گئی اے وسنتا وسنتا
 ”ہے اسورج روپنگ! اسورج روپنگ“
 وسم، وسم، وسم!

نام پیالہ

نام سوہنے دا بھریا پیالہ
 ڈھل ڈھل پئے رہا سہیو!
 کون پئے بھر گھٹ اک اس دا
 سہیو تکیاں رہیو۔
 سدھر پیالہ جس دا اپنا
 ڈھل ڈھل پئے رہا ہووے،
 اس نوں سیندی لے گھٹ، پر
 بھیت سنبھل کے کہیو۔



